

# Райодин газетсин халхар

Ленинское — „Колхозн  
**ЗНАМЯ** тосхлтин цаа-

рандк делгрл-  
тин болн машинн-тракторн  
станцсин бұрдамджиг онъ-  
гларулгъна гускар“ СССР н  
Деед Советин сессий деер  
Н. С. Хрущевин кех докла-  
дин тезисмұд Западн района  
колхозмудин колхозникуд  
болн машинн-тракторн стан-  
цин механизатормуд ик ханл-  
ттагъар тосв.

—КПСС-н Центральн Коми-  
тетин февральск Пленум, кол-  
хозин эдл-ахуд бәәсн хойр  
гардвриг уурулдж, чик хаал-  
гъинь заалжах пленум,—гидж  
Виноградненск МТС-н ах ин-  
женер ұр Н. Рубан кель.—  
Ўлгұрнь, „Пролетарская по-  
беда“ колхозин ахлач ұр Де-  
дов—эн джилин хаврин тәрә-  
нә кōдлмш эклхмн гидж гур-  
вдгч номертә тракторн брига-  
дин бригадир ұр Венецкийд  
заавр ѓв, тўўгинь хооран  
келж, хәрү цоксн заавр эн  
бригадирт МТС-н агроном ұр  
Зунгруев ѓв. Иигдж хойр  
эзн олн-зўсн заавр ѓч, меха-  
низатормудин шунлтл болн  
колхозин делгрлтл саалтг  
болна,—гидж Н. Рубан кель.

**Ленинский** Целинн рай-  
**ПУТЬ** она „Родина“  
колхозин акт-

тив хоорндан кўўилвр кедж,  
КПСС-н ЦК-н февральск  
Пленумд ик ханлт ѓргв.

Эн джил багъ гихдән нег  
сай арслнъга селәнә элл-ахун  
машид машинн-тракторн стан-

цас хуллдж авч чадхвдн. Эн  
мōнъгнд 30 трактор болн се-  
ләнә эдл-ахун 20 машинд авч  
болхмн. Машид авсна хōбн  
комплексн бригадмуд колхозд  
бұрдалгън ик олзта, сән болх  
механизатормуд колхозникуд-  
ла ницнъгў, негн болдж  
кōдлцхәх гидж эцн келцхәв

**Ленинский** Яшалтинск  
**ПРИЗЫВ** района колхоз-  
никуд болн

цуг кўч-кōлсчнр КПСС-н Це-  
нтральн Комитетин февральск  
Пленумин шиидвриг болн  
Н. С. Хрущевин кех докладин  
тезисмұдиг таасдж, тўўгәр ик  
кўўилвр кеджәцхәнә.

—1957 джил мана „Новый  
мир“ колхозин ору 5 сай 800  
минъгън арслнъ болв. Бидн  
эврәннъ оругъан, аргъ-чидлән  
тоолад, олн-зўсн маркта 30  
трактор, 12 культиватор, се-  
ләнә эдл-ахун 24 маши, тер-  
дотр кирслдж тәрлгънә 8 сея-  
лк, 16 комбайн болн наць  
чигн кергтә техник авх болв-  
дн. Эн цуг техник авхд 2 сай  
арслнъ керглгдхмн. Тер мōнъ-  
гиг хойр джилин эргид хәрү-  
ләд, деер келгсн техникиг  
ода чигн авч чадхвдн. Эн цуг  
техник нег гарлврт орхла,  
ōмнкәсн сәәнәр, чикәр олз-  
лдж эллгдхмн,—гидж эн кол-  
хозин ахлач ұр Кулак бич-  
джәнә.